

Sarkina Bt Mat Saad @ Shaari

From: UUM CORPORATE COMM.
Sent: Thursday, June 27, 2019 11:17 AM
To: UUM - All Staff; UUM - All Students
Subject: Konsert Orkestra Filharmonik Malaysia (MPO) Pukau 2,000 Penonton



UUM Corporate Comm.
Universiti Utara Malaysia

27 JUN 2019 / 23 SYAWAL 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Seksyen Fotografi

KONSERT ORKESTRA FILHARMONIK MALAYSIA (MPO) PUKAU 2,000 PENONTON



SINTOK: Menakjubkan! Buat julung kalinya, 77 pemuzik dari Orkestra Filharmonik Malaysia (MPO) memukau hampir 2,000 penonton pada Malaysian Philharmonic Orchestra North Malaysia Tour 2019 di Dewan Mu'adzam Shah, baru-baru ini.

Konsert istimewa selama dua jam itu telah dipimpin Konduktor Residen MPO, Gerard Salonga yang pernah memimpin Philippine Philharmonic, Shanghai Opera House Orchestra and Chorus, Taiwan's The Evergreen Symphony Orchestra, Orchestra Victoria and The Bangkok, Sydney dan Singapore Symphony Orchestras.

Saat dinantikan pastinya daripada pemain piano berbakat Malaysia, Tengku Irfan yang merupakan Duta Remaja MPO dan beliau telah memukau penonton dengan karya ciptaan Tchaikovsky iaitu Piano Concerto No.1.

Kehebatan pemuzik MPO turut terserlah dengan karya-karya klasik seperti Bernstein's Overture to Candide dan Brahms' Academic Festival Overture.

Selain itu, penonton turut dihiburkan dengan lagu-lagu klasik tempatan daripada ikon seni, Allahyarham Tan Sri P. Ramlee menerusi lagu Tunggu Sekejap, Allahyarham Pak Ngah (Cindai) dan lagu patriotik antaranya Tanah Pusaka dan Putera Puteri.

Sebelum konsert jelajah ini bermula, MPO telah mengadakan konsert khas untuk pelajar sekolah pada sebelah petang.

Turut berkenan hadir ke Konsert MPO 2019 ialah Kebawah Duli Yang Maha Mulia Al Aminul Karim Sultan Sallehuddin Ibni Almarhum Sultan Badlishah, Sultan Kedah dan Kebawah Duli Yang Maha Mulia Sultanah Maliha binti Almarhum Tengku Ariff, Sultanah Kedah.

Sementara itu, Naib Canselor, Prof. Dr. Ahmad Bashawir Abdul Ghani berkata, pemilihan UUM sebagai universiti pertama di Malaysia menjadi hos konsert itu merupakan satu lakaran sejarah kepada UUM.

Menurutnya, konsert jelajah MPO yang cukup gah dan gilang-gemilang ini telah berjaya menarik ramai penonton termasuk golongan muda.

"Konsert ini memberi satu kepuasan kerana penonton dapat menikmati permainan indah daripada pemuzik MPO secara 'live', malah berpeluang menimba pengalaman baharu mengenali banyak karya klasik yang mungkin tidak pernah didengari sebelum ini.

"Lebih menarik, kumpulan orkestra ini tidak melupakan lagu-lagu tempatan antaranya hasil karya seniman agung Tan Sri P. Ramlee yang sangat memikat halwa telinga penonton," katanya.

Kesempatan konsert berlangsung, turut diadakan persembahan pameran baju Kedah bermotifkan Sintok bagi mengembalikan tradisi kebudayaan Negeri Kedah.

Baju Kedah itu menggunakan rekaan corak asas songket Sintok bermotifkan tumbuh-tumbuhan yang berada di persekitaran kampus Sintok.



Please consider the environment before printing this e-mail



AACSB
ACCREDITED



ASSOCIATION
OF MBAs
ACCREDITED



EPAS
ACCREDITED



AMBA
ACCREDITED



IQA
INTERNATIONAL
QUALITY
ACCREDITATION



Institute
of Hospitality
ACCREDITED



STARS
RATED FOR EXCELLENCE
2015



AUN-QA
A Touch of Quality



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.